

Balua na bini

gba Polo pi

Timoté

Eli na kalanu

Timoté ne makombi bini inde adu nani makilisito bhé Adji Minele. 'Hi ani nani ne maYuda, 'dyi ani atsia adu nani ne Giliki. Ani akolo nani kpála nateteke Polo bhé dholo gba e nakpokpo *Bádha Ngali gba Yesu *Kilisito . Balua na bini gba Polo pi Timoté-o, ngakpokpo 'ngú pindji ongbengbe 'ngú bata.

Balua ango-o ngakpo ngaiza 'ngú pindji nalila lio ka omusuno na eu inde bhé Piga gba Ebhe-o. Nasuno ango-o a ko nakpotsè mabhundja pindji omaYuda ne okpála inde ne omaYuda ade inde adu nani pindji napa me bádha 'ngú pía doto ade. A la di ngapa me, u tí da bha nasia mukobho ka imbila 'ngú inde awo lie mawo, a la di ne nakpe nazú oehe koko, di ne naha lio maka elè ne bhoko de.

Ongbengbe ongu inde bhé bhuku inde-e ngae inde:

Eli na kalanu 1:1-2

Líli pindji Piga gba Ebhe ne okpála inde ngadjedjele-o 1:3 – 3:16

Líli pi Timoté pindji kulu gba e-o 4:1 – 6:21

Polo yi Timoté mayi

1¹⁻²Timoté, kakulu ndili gba ma bhé 'bu *nabhuka-a , a ayo me bádha bhé 'bu ne ndjinga di ne *guo 'ngú gba 'Dyi ní Ebhe ne Yesu *Kilisito , Ngámá gba ní-e du bhé dabilí bini ne mu. Ma aye balua inde-e pi mu ngama Polo. Ma ne *bhulu titima gba Yesu Kilisito maka li Ebhe, *Mukobho gba ní, ngauo ne Yesu Kilisito inde ní nga'o 'to ní 'to e aha líli muma lie ngu nakpokpo *Bádha Ngali ko.

Polo apa me a ayo nayoko omusuno na eu-o mayoko

³Maka ma aha nako líli pi mu lie li nedhinga ma adu anu lie bhé ndu doto na Makedonia-a, du bha bhé gudhu na Efeso oo, amba mu pa pi omusuno na eu inde oo me, u 'o nasuno bhomu-o ma'o. ⁴Pa pi uo me, u 'o nakpokpo ongu na padhá padhá inde li okpála ngagbe e bhé 'ndji o ma'o. U 'o di nakpokpo ndjandja okpokpodumu ma'o. Padhá de, anga ongu bhomu-o ngagbe okpekebhe na padhá padhá inde i dyudyo kulu inde li Ebhe ngamene e bhé mukobho gba okpála de. Kulu ango-o ngadyudyo lie ne kalanu ka nabhuka.

⁵Olíli ma aha e pi mu bhomu-o, a ngubula me okpála du ne mukunda sunda o. Mukunda ango-o ngayie li bádha bua, li bua nakpokpo kú 'ngú ndjindji, la di ne bhé nabhuka na kakulu. ⁶Okpála koko ayie li ngbili kpadji bhomu-o ayie, u atsia azi 'ndji o bhé namene okpekebhe na padhá padhá. ⁷U ngapa me o ne *omusuno na líli gba Ebhe, engú bini, ngauo makpe-e, u kè mboli engú inde u ngasuno e pi okpála koko ne angu o hana-a belegu de bini.

Ebhe aha líli gba e pi ní ngubula ní?

⁸Ní mbila hana me líli gba Ebhe-e ndjindji, i du me u nde ngakpakpata maka a ayo lie ko. ⁹Ní mbila la di hana me, Ebhe 'o líli pi okpála bhende ngadhuku ngbingbili-e de. Engú bini, ani a'o pi obhende ngau líli gba ani-e padhá di ne pi okpála na kpekpeke 'ndji. Ani a'o pi okpála bhende ngandjo 'li ani, di ne pi obhende ngamene siti 'ngú-o. Ani a'o pi

okpála inde i manga ani de, i manga la di ohe na bububu gba ani-e de-o. Ani a'o pi okpála bhende ngabhili odyi o, i dɛ di-e ohi o-o. Ani a'o pi okpála bhende ngabhili obi o bhú gandji.

¹⁰ Ani a'o pi obhosi bhende ngakúnda olisi di ne pi olisi bhende ngakúnda obhosi ngangá-o. Ani a'o pi obhosi bhende ngakúnda lio ne obi o obhosi, i dɛ di-e olisi bhende ngakúnda lio ne obi o olisi. Ani a'o pi okpála bhende ngatsindji obalise. Ani a'o pi obhú eu di ne pi okpála bhende ngatɛ silika pí eu. Ani a'o pi ndɛ okpála hana inde ngamene engú kpi ne bhende na kúkú ní ngasuno e ko. ¹¹ Nasuno ang-o bhú Bádha Ngali inde li Ebhe aha e mɛma-o. Bádha Ngali ang-o ngasuno *sangu gba Ebhe inde ngaha bádha 'ngú pi okpála-o.

Polo agie heni pi Ebhe

¹² Ma ngagie heni pi Yesu Kilisito, Ngámá gba ní inde aha angu mɛma ngú namene kulu gba e-o. Ma ngagie heni pi ani, anga ani au me ma ti da namemene. Abhomɛ-o, ani atsia abhú ma ngána. ¹³ La nani kalanɛ-o, ma adɛ apa osisiti 'ngú li ani, ma adɛ ato mbolo li okpála koko ka u abhuka ani lie-o, ma adɛ la di asosobho ani. Abana ma adɛ amene lie mo-o, ani adje ndjinga ma. Padhá de, anga ma bhuka nga nani ani de. Ma mbila la di nani de me Yesu ne *Masiya-a de.

¹⁴ Engú bini, Ngámá gba ní-e atsia asuno bádha bhú 'bu gba e mɛma ane mane. Ani aha nabhuka mɛma, di ne mukúnda inde bhú nakpɛtɛ líní ne Yesu Kilisito-o. ¹⁵ Engú inde ma adjí apa e inde-e, a ko kúkú 'ngú inde a ayo me ndɛ okpála hana bhuka e ne bua o bini. Engú ang-o me, Yesu Kilisito ago nani píla doto ngú *nakobho okpála na sisiti. Yi mbila la me ngámá ngámá bhú ká uo ne ma. ¹⁶ Abana ma adɛ lie ne ngámá ngámá bhú ká uo ngama-a, Ebhe adje ndjinga ma. Ebhe amene mɛma mo-o ngúbula me ndɛ okpála hana inde abhúka Yesu Kilisito-o, u u lele 'ndjá bua gba ni-o, amba u bhuka-a, u de sia mukobho na dɛdɛma. ¹⁷ A ayo me ndɛ okpála hana dhogɛ Ebhe, amba u toko ani dɛdɛma ne dɛdɛma. A adɛ moko. A ko 'Ngbé Ngámá na dɛdɛma, i kpi kpi de, li kpála uu di-e de. A ko bha koli Ebhe bha ngae kpi e kpi!

¹⁸ Timoté, ndika ma, ma ngaha olíi bhomɛ-o pi mɛ nakpata oeli inde li *opolofeta akpokpo nani e li 'ngú gba mɛ-o. A ayo me oeli ang-o tetete mɛ ngúbula nakpokpo Bádha Ngali-e ne angu, abana li okpála dɛ nayaya mɛ. ¹⁹ A ayo me mɛ gɛ egú ang-o ne nabhuka bhú dabilí bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie. ²⁰ Imene ne uo ne Alekidjandele bhú ká ongua okpála bhomɛ. Ma atsia apɛ uo pi *Satana, ^a amba u mbila lio ne napa me a ayo nasobho Ebhe de.

A ayo nayo Ebhe ngúbula ndɛ okpála hana

2 ¹ Kala ndɛ 'ngú hana-a, ma ngayo ka yi me yi 'o gɛmɛ gba ndɛ okpála hana kala Ebhe, yi yo Ebhe pi uo, yi kikiliki líyi pi ani ngúbula uo, amba yi gie la di heni pi ani ngúbula ndɛ uo hana. ² Yi yo Ebhe pi ongbenge ongámási, di ne pi ndɛ ongámási hana ngúbula me kpéke 'ngú adá-u de, amba ní dɛ bhú *guo 'ngú, ní dɛ namanga Ebhe ne nagbite líní li ani na paká paká. ³ A bhomɛ-o engú inde ndjindji, inde la di nganga li Ebhe, *Mukobho gba ní-o.

⁴ Ani akúnda me ndɛ okpála hana kobho, amba u mbila la di kúkú 'ngú. ⁵ Padhá de, anga koli Ebhe bha bini, a la bhadi ne koli kpála bini inde lɛdɛ sɛnda Ebhe ne okpála-kɛtí. Kpála ang-o, a ko Yesu *Kilisito, ⁶ inde apɛ mukobho gba e ngúbula nagbegbe ndɛ okpála hana bhú balí-o. Ani amene mo-o bhú nedhinga nani li Ebhe a'o e ngú nasuno me Ebhe akúnda me ndɛ okpála hana kobho. ⁷ Ka 'ngú ang-o, Ebhe abhɛ ma *bhú titima gba Yesu di ne bhú nakpokpo *Bádha Ngali. Ani abhɛ ma me ma suno *nabhuka di ne

^a1:20 Napɛ kpála pi Satana: Ti da napa li bilí inde-e me nagbe kpála bhú Piga gba Ebhe.

kákulá 'ngú pí okpála inde ne omaYuda ade-o, amba u bhuka. Ma ngapa kákulá 'ngú, ma pa eu de.

⁸ Kaka-a, ma akúnda me obhosi yo Ebhe ne ndú bilí hana. U yo Ebhe me u nde a'e'e 'kpa o ne abhálá ne naha lío libhomu pí Ebhe. U adú ne engú sùnda o de, u adú la di ne kpekebhe de.

⁹ Pí olisi-e, ma akúnda me u dú adyi *bongo maka a ayo lie. U adú adyi bongo bhe a'e bua kpála bhú da e ma'e-e de. U dú adyi bongo lí lelele. U adú apulú sundjo o nane dada mane de. U adú adyi omayaka ne omagegè na olo di ne ohe na zizi de. U adú di nadyi obongo na mase naali de. ¹⁰ Engú bini, u suno mangbo bádha gba o bhú obabadha kulu inde u ngamene e-o. A bhómú-o engú inde atí ne olisi inde ngasuno me o ngamanga Ebhe-o.

¹¹ Nedhinga lí bhoko ngaha olíli lie bhú Piga gba Ebhe-e, a ayo me olè ndjili má bulu, aní kè lie ne kuto. ¹² Ma ha kpadjí pí olè ngú nasuno di ne naú pí 'ndji bhoko de. Engú bini, a ayo me aní ndjili má bulu! ¹³ Padhá de, anga Ebhe abho ngaiza nani kalanú-o *Adamú, pípíta-a aní atsia abho Eva. ¹⁴ La di-e, *Satana pite nani Adamú de, engú bini, aní apite mangbo nani olè-è. Abhomú-o, olè-o atsia andjo 'lí Ebhe. ¹⁵ Abana i nde lie mo-o, Ebhe akóhbo olè ka ezu gba e-o. Ebhe akóhbo aní i dú me aní nde alú kpekpeke bhú 'bu nabhuka, ne mækúnda, ne na'o lie bubu kala Ebhe, di ne na'o lie bhú da e.

Líli pí okpála natsia 'kpí lí Piga gba Ebhe

3 ¹ Engú ma adji apa e inde-e, a ko kákulá 'ngú: i dú me kpála nde akúnda natsia 'kpí lí Piga gba Ebhe-e, aní akúnda namene bhómú-o bádha kulu. ² Kaka-a, a ayo de me u u kpála inde ngatsia 'kpí lí Piga gba Ebhe-e ne siti 'ngú-o de. A ayo me aní dú ne koli olè bini. Aní dú naholo bua e ka 'ngú maholo. A ayo me aní dú namene 'ngú lí lelele, aní dú la di namene babadha 'ngú. Aní dú nasia ogomago ndjindji, aní mbíla la di nasuno 'ngú pí okpála. ³ Aní ahá lie pí pandí de, adú la di kpála nagú gbele de. Engú bini, a ayo me adú kpála na bhúkú 'ngú. Adú kpála nagbe bhayiki ne okpála koko de, adú la di kpála na gúmú tia naali de.

⁴ A ayo me adú kpála inde ngatsia 'kpí lí piga gba e makpe-e ndjindji, inde lí ongísi gba e ngamanga e ne ndú kpadjí hana. ⁵ Padhá de, anga i dú me kpála nde mbíla natsia 'kpí lí piga gba e makpe ndjindji de-e, aní tí da nalila Piga gba Ebhe-e lele pí? ⁶ A ayo de me kpála natsia 'kpí lí Piga gba Ebhe-e dú kpála inde adji bua e na mbíla de. Padhá de, anga i dú me a nde kpála inde adji bua e na mbíla-a, 'ngbé 'ndji tí da nali bhú aní, aní tsia lí bhú mangimbo maka Djabulú alí nani lie-o. ⁷ La matá di-e, a ayo me adú kpála inde lí okpála bhe i bhuka de-e ngakpo 'ngú gba e ndjindji, ka napa me okpála aú aní bhú djila o padhá de-o, la di ngábula me aní atí bhú oekú gba Djabulú-o de.

Líli pí okpála nateteke kulu bhú Piga gba Ebhe

⁸ A bhadí moko, a ayo me okpála nateteke kulu bhú Piga gba Ebhe-e dú okpála inde ngamene 'ngú inde lí okpála tí da namanga o ka e. U adú la di ne eli bhisi bhisi de, u ahá lío pí pandí de, u adú dí nagíli tia lí siti kpadjí de. ⁹ A ayo me u gbite lío ne bua bini lí kákulá 'ngú inde lí Ebhe ambamba ta e-o. U gbite lío tété ne bua nakpokpo kú 'ngú inde ndjindji.

¹⁰ Kala me u bhú uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pípíta-a, i dú me u nde u uo ne engú na sisiti de-e, u de bhú uo ngú namene kulu ango-o. ¹¹ A ayo me, olisi gba uo-o dú bhadí namene engú inde lí okpála tí da namanga uo ka e. U adú napa sisiti 'ngú lí okpála koko de. U dú naholo bua o ka 'ngú maholo. U dú okpála inde lí okpála koko ngazíba o bhú ndú 'ngú hana. ¹² A ayo me, kpála nateteke kulu bhú Piga gba Ebhe-e dú bha ne koli olè bini. Adú kpála inde ngatsia 'kpí lí ongísi gba e di ne piga gba e makpe-e ndjindji. ¹³ Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, ndú okpála hana ngamanga

uo mamanga, u gáma la di engú pindji *nabhuka gba o inde bhú Yesu *Kilisito-o ne tsulá belegu de bini.

Engú na ngbéngbé inde li Ebhe asuno e

¹⁴ Ma ngaye balua inde-e pi mu ne nabhundja me ma akólo li mu oo má gala! ¹⁵ La-a, i du me ma nde kolo li mu oo má gala de-e, balua inde-e de suno pi mu lele maka a ayo lie me okpála dhuku bhú piga gba Ebhe-o. Piga ang-o, a ko Piga gba Ebhe inde mu-o. Dadjua ang-o ngabi kakulu eli-e maka nepanda abibi eti lie-o. ¹⁶ A na paká me, engú inde li Ebhe ambamba ta e pi ní pindji nabhuka gba ní-e ngbéngbé. Engú ang-o me:

Kilisito ago pila doto bhú kate maka kpála-kuti,

*Bu Bhobua asuno me, ani ngbingbili,
oandjelu atsia au ani.

U akpokpo engú gba ani-e pi okpála inde
ne omaYuda ade,

okpála na pila doto libhomu abhuka ani,
Ebhe atsia a'e ani abhálá bhú *sangu gba e-o.

Omusunu na eu

4 ¹ *Bu Bhobua apa mbámbá me bhú onedhinga na soso-o, okpála koko a'ó ká *nabhuka gba o, u tsia kpáta *osisiti bua na eu, u kpáta di engú inde li osisiti bua ngato e bhú okpála me u suno e-o. ² Obhulu kali inde ngapa eu-o apite uo me u yie li ngbili kpadji-e mayie. Bua nakpokpo kú 'ngú gba obhulu kali ang-o asiti mugito me u atsulu ne kalase inde u ato e bhú djua. ³ Okpála ang-o ngasuno me a ayo de me obhosi ne olisi du naha ho-o de. U di ngapa me a ayo de me okpála du nazu ozu koko de. Ebhe abho la nani ozu bhomu-o ngae. *Omabhuka inde ambila kakulu 'ngú-o ti da nazuzú ne nagie heni pi ani. ⁴ Padhá de, anga ndu 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie heni pi Ebhe, ⁵ anga eli gba ani bhú dabili bini ne mayo ngamene me ndu 'he hana kolo bubu kala ani.

Bádha kpála na kulu gba Yesu Kilisito

⁶ Suno engú bhomu-o pi *ondaise ní omabhuka. Li mu mene mo-o, mu dú bádha kpála na kulu gba Yesu *Kilisito . Mu tsia suno di me mu ngaku bua mu ne oeli na nabhuka, di ne nasuno na kakulu mo okpata e ko. ⁷ Engú bini, gbe limu li otodu na padhá padhá inde i ti ne nabhuka de-e magbe. Mene mangbo ne kpéke me mu gbite limu li namene engú inde anga li Ebhe. ⁸ Namene ngeme ngú nakpekpeke kate-e, a ndjindji ngú engú masudha. Engú bini, a ndjindji nane mane pi kpála ne nadhuku maka li Ebhe akunda lie-o. Padhá de, anga namene mo-o, kpála ang-o ambila me ni asia inde-e mukobho na mbia, mukobho ang-o adú duduama ne duduama. ⁹ Eli inde ma apa e bhomu-o, a ko kakulu 'ngú inde ayo me ndu okpála hana ziba e ne bua bini. ¹⁰ Kaka-a, i du me ní nde ngamene kulu kpekpeke di ne angu ní hana-a, a ko anga ní nga'o 'to ní li Ebhe inde mu-o. A ko *Mukobho gba ndu okpála hana, a ane la mane pi okpála bhende abhuka ani-o.

¹¹ A bhomu-o engú inde a ayo me mu gbele 'dje okpála lie, amba mu suno di-e pi uo-o.

¹² Mo oká kpadji pi kpála bini de me ani u mu padhá ka mu nde lie ne makombi-e de. Engú bini, du mangbo ne kpála inde ngasuno kpadji pi omabhuka. Du nasuno kpadji pi uo bhú eli inde mu ngapa e, ne bhú lele namene 'ngú gba mu, ne bhú mukunda gba mu, ne bhú nabhuka, di ne bhú nadu ka mu bubu kala Ebhe.

¹³ Nedhinga mu ngadjeke nago ka ma lie-e, ha limu ngú natanga 'li Ebhe-e kala ndu okpála hana. To masi bhú uo, amba mu suno ta *eli gba Ebhe-e pi uo. ¹⁴ Mo ou kulu li Ebhe aha e pi mu-o bhú bádha bhú 'bu gba e-e padhá de, kulu inde mo osia e nedhinga li *opolofeta akpokpo 'ngú gba mu-o lie, la di ne li nedhinga li *obhelesi okpála a'o 'kpa o pí 'ndji mu lie-o. ¹⁵ A bhomu-o kulu inde a ayo me mu 'o bua mu li e ko. Ha limu ngú

namemene ne bua m̄ hana, amba nd̄ okpála hana u me m̄ ngan̄ li kpadji gba Ebhe-e ne kalan̄. ¹⁶ Lila lim̄ ngam̄ makpe ndjindji bh̄ ongú inde m̄ ngamene e di ne bhende m̄ ngasuno e pi okpála koko-o. N̄ ne di ne kalan̄, anga i d̄ me m̄ nde amene mo-o, m̄ kóbho lim̄ ngam̄ makpe, m̄ tsia kóbho di okpála bhende ngadje m̄-o.

Líli pi nd̄ omabhuka hana

5 ¹ I d̄ me m̄ nde ngali bhele kpála li 'ngú-o, mo ombéme bh̄ 'ndji ani mambembe de, engú bini, gama 'ngú pi ani bh̄bhuk̄ m̄gito me a ko 'dyi m̄. Gama 'ngú pi omakomise maka ondaise m̄ na obhosibhosi. ² Pi olisi na obhelesibhelesi-e, gama 'ngú pi uo m̄gito me a ko ohi m̄. Pi otsalisi-e, gama 'ngú pi uo maka ondaise m̄ na olisilisi me bua m̄ nde tuko li uo de.

Engú pindji oekesi na olisilisi

³ Teteke oekesi na olisilisi bhende li kpála nde ngú nateteke o ade-e mateteke. ⁴ Engú bini, i d̄ me a nde ka ek̄ na eel̄ bini ne ongisi, i d̄ di-e odi ye e, ngú nasuno me ongisi ang-o ngamene engú inde li Ebhe ak̄nda e, a ayo me u teteke ngaiza opiga gba o makpe. U mene mo-o, u gíe bádha 'ngú pi okpála inde azu o, di ne pi ongu ogbi o bh̄ da bhende u amene nani e pi uo-o. Abhom̄-o engú inde li Ebhe aziba e ko. ⁵ Ek̄ inde ngad̄ bha ndj̄ kpi e kpi, li kpála bini nde ka e ngú nateteke e ade-e, ani nga'o 'to e 'to Ebhe. Ani ngazi kekele li nayo Ebhe sukpe ne ngbikpi ngubula me Ebhe teteke ni. ⁶ La-a, pi ek̄ bhende ak̄nda bha nae odjali na doto-o, ani akpi li bua e akpi, abana ani nde lie m̄-o. ⁷ A bhom̄-o engú inde a ayo me m̄ pa e pi uo ngubula me kpála bini apá 'ngú li uo sisiti de-o. ⁸ I d̄ me kpála nde teteke omaha e de-e, a ane la mane piga gba e makpe-e, ani abala 'kpa li *nabhuka gba e abala, ani ane beleḡ m̄pagano ne siti.

⁹ La di-e, ngú napa me u ye 'li ek̄ bini bh̄ ká obhende li Piga gba Ebhe-e ngabi o-o, a ayo me ani d̄ mbo ne kalanga ndjikpa madhia. Ad̄ la bhadi el̄ inde i k̄nda bhoko sa 'ku 'ko e de.^b ¹⁰ A ayo la di me okpála mbila ani ka obabadha kulu inde ani amene e-o. A ak̄nda napa me, ani ak̄ ongisi gba e ndjindji, ani asia ogomago, ani av̄l̄ 'dh̄ *omabhuka,^d ani ateteke okpála inde ad̄ bh̄ mbolo. Ad̄ la di kpála inde amene nd̄ badha kulu hana.

¹¹ Engú bini, pi oekesi bhende na otsalisi tsalisi-e, mo oyé 'li uo bh̄ ká obhende li Piga gba Ebhe-e ngabi o-o de. Padhá de, anga nedhinga li ḡm̄ naha bhoko koko alí bh̄ uo lie, i méne me u dji 'ngb̄ o li *Kilisito. ¹² Li u mene mo-o, u lí bh̄ mangimbo. Padhá de, anga u apa nani me o oha lío pi Kilisito, la mbia bhom̄-o, u mene maka u apa lie de. ¹³ La di-e, m̄ ye 'li uo-o, u kólo obh̄l̄ ipio, u hóló nadjakadha gba okpála ngangá. U kólo bha bini obh̄l̄ ipio de, engú bini, u hóló nagama 'ngú naali, u hóló nali bh̄ ongú bhe i tsia o de, u tsia d̄ di nagama 'ngú gb̄l̄enḡ. ¹⁴ Kaka-a, ma ak̄nda me, oekesi bhende na otsalisi tsalisi-e ha matá obhosi, u zu ongisi, u tsia 'kp̄ li opiga gba o-o, amba u aká kpadji pi obh̄l̄ yala gba ní-e napa 'ngú li ní sisiti de. ¹⁵ Ma pa mo-o padhá de, a ko anga oekesi koko ayie li ngbili kpadji-e ayie, u atsia agbida nganda *Satana.

¹⁶ I d̄ me mabhuka bini na eel̄ nde ne oekesi na olisilisi bh̄ piga gba e-e, a ayo me ani teteke uo. Ani a'ó de me Piga gba Ebhe-e bi uo ngae de, amba Piga gba Ebhe-e bi obhende li okpála nde ka o ngubula nateteke o ade ko.

^b5:9 Ek̄ inde i k̄nda bhoko sa 'ku 'ko e de: A ak̄nda napa me nedhinga li 'ko ani ad̄ lie tété-e, ani k̄nda bhoko koko de.

^d5:10 Ani av̄l̄ 'dh̄ omabhuka: Nani agba omaYuda-a, kulu nagbe malek̄ bh̄ 'dh̄ ogomago ne nav̄l̄ 'dh̄ uo-o, a ko nani kulu ka obalise di ne okpála na padhá. A di ngú nasuno muk̄nda ne nak̄ lío ne kuto. Tsia bh̄ Dja. 13:1-17.

Engú pindji obhelesi okpála na Piga gba Ebhe

17 *Obhelesi okpála inde ngatsia 'kpí li Piga gba Ebhe ndjindji-e, a ayo me u manga uo, amba u tsia ha di makalá na kulu gba uo-o pí uo li lelele. A ane la mane pí obhende ngatse kate o ngú nakpokpo di ne nasuno 'li Ebhe-o. 18 Padhá de, anga *Bhuku gba Ebhe-e ngapa me: «Nedhinga li bagala ngatæ ngano lie, mo ogbíte 'bhe ani de.» A apa maté di me: «Kpála na kulu ati ne makalá na kulu gba e-o.†»

19 I dæ me, kpála bini nde apa 'ngú li bhele kpála na Piga gba Ebhe-e sisiti-e, mo obhúka de. Ziba bha bini me okpála bhisi nde alæ pí engú ang-o, i dæ okpála bhisi de-e, a de dæ okpála bata. 20 Mbe bhú 'ndji obhelesi okpála inde ngamene siti 'ngú-o bhú djila ndæ okpála hana, amba okoko dje tsulæ.

21 Ma ngaha líli pí mæ kala Ebhe, ne kala Yesu Kilisito, di ne kala *oandjelu gba Ebhe inde ani abhæ o me, mene olíli inde-e hana bhú *ngbili 'ngú, mæ nde kunda kpála bini ane okoko mane de. 22 Mo o'ó 'kpa mæ pí 'ndji kpála má gala de ngú naha kulu pí ani bhú Piga gba Ebhe-o. Mæ 'o 'kpa mæ pí 'ndji ani má gala-a, li okpála u sidi me ani bhú siti 'ngú-o, akænda napa bhomæ-o me yi akpætse liyi ne ani bhú siti 'ngú gba e-o. Lila limæ me ní dæ bubu kala Ebhe.

23 Mo odá bha bini nandji engu de, engú bini, ndji mbo di vino bedi uu ka kuo na bhú 'bu inde ngaha bhækæ kate pí mæ piko-o.

24 Okpála koko ngamene siti 'ngú bhú mbasæ, li okpála mbíla kala nakpata 'ngú tété. Pí okoko-o, a ayo ngaiza nakpata 'ngú tété kalanæ ngú nambimbila. 25 A bhadi moko pí obabadha kulu, a ngau lie li zí 'kpí, belegæ obhende u u e gbælæ de-e, a tí da nadæ ndæ 'kpí hana de me a nde awo lie mawo-o de.

Líli pí obalise

6¹ A ayo me *omabhuka inde bhú bali-e manga omakælasi o ne ndæ kpadji hana. U manga uo, amba kpála bini asóbho 'li Ebhe de, amba u asóbho la di nasuno gba ní-e de. 2 I dæ me, omakælasi uo nde ne omabhuka-a, u apá de me o mánga uo de-e de, anga a ko *ondaise o-o de. Engú bini, a ayo me, u mene kulu pí omakælasi o ndjindji naali, anga okpála inde u ngamene kulu pí o bhomæ-o, a ko omabhuka, a ko la di ondaise uo na makunda. A bhomæ-o líli inde ayo me mæ suno e pí okpála ne nato masi bhú uo me u mene e ko.

Engú pindji gæmæ tia

3 I dæ me kpála bini nde ngasuno engú koko kpi, ani dhika li okækulæ oeli gba Ngámá gba ní Yesu *Kilisito di ne ongú inde ní ngasuno e pindji namanga Ebhe de-e, 4 a ko kpála na 'ngbé 'ndji, ani mbila la di 'ngú belegæ de bini. Ani ambila lie bha bini ne namene kpekebhé di ne natsi pindji oeli. Ongú bhomæ-o ngagbe gæmæ 'he, ne natsi, ne nasobho lío, ne nabhundja siti 'ngú pindji obi o, 5 di ne bhayiki inde i ndjindjia de-e sunda okpála inde li 'ndji o asiti-o. Okpála ang-o mbila la di maté kækulæ 'ngú belegæ de bini. U ngabhundja me *nabhuka Ebhe-e, a ko kpadji nasia tia.

6 A moko, nabhuka Ebhe-e, a ko tia na ngbéngbé, i dæ me kpála nde ngakpi djali li ehe inde ka e-o. 7 Padhá de, anga ní go nani píla doto inde-e ne ehe bini de, ní gé la di líní ne 'he bini na doto inde-e de. 8 Kaka-a, i dæ me a nde ka ní ne ehe nazæ mazæ di ne *bongo ngú nadyidyí-e, amba bhobhomæ-o ale pí ní ale. 9 Engú bini, okpála bhende ngakunda nakpo-o, u ngali bhú nale ne bhú ogæmæ 'he bhelé na padhá padhá di na sisiti inde li okpála ngasiti ka e, inde li okpála nde di ngamu ka e-o. 10 Padhá de, anga gæmæ tia ngazu ndæ ongú na sisiti hana. Okpála koko ka nakunda tia naali-e, u ayie li kpadji na nabhuka ayie, u atsia alí bhú líkabhu naali ka o makpe.

†5:18 Tsia bhú Det. 25:4, ne bhú 1 Kol. 9:9, ne bhú Mat. 10:10, di ne bhú Luk. 10:7.

Bádha gbele ní nde bhú e kabula nabhuka gba ní-o

¹¹ Engú bini, ngamú kpála gba Ebhe-e, kpe ndú sisiti 'ngú bhomú-o hana makpe. Gbite límú li *ngbili 'ngú , ha límú pí Ebhe, dú ne nabhuka, ne mukánda, ne 'ndjá bua, di ne bhákú 'ngú. ¹² Gú bádha gbele inde ní nde bhú e ka nabhuka gba ní-o. Lila mukobho na dádúma ndjindji, anga Ebhe a'í nani mú ngú mukobho angó-o, mo otsia apa ne djali kala okpála bhelé me ní abhuka. ¹³ Ma ngaha lílí pí mú kala Ebhe inde ngaha mukobho pí ndú 'he hana, di ne kala Yesu Kilisito inde akpokpo nani kákúlé 'ngú píndji nabhuka kala Pose Pilaté ndjindji-e me, ¹⁴ lila lílí inde ma aha e pí mú-o ndjindji, mene ndúndú hana maka ma apa pí mú lie. Mene me kpála bini agú lílí angó-o de, akólo li ekpí li Ngámá gba ní Yesu Kilisito agie lie lie-o.

¹⁵ Ekpí angó-o, Ebhe a'o ngae. A ko Ebhe inde ngaha bádha 'ngú pí okpála, a ko koli Ngámá bini inde ngáú pí 'ndji ndú 'he hana. A ko 'ngbé Ngámá pí 'ndji ongbengbe ongámási, a ko la di Ngámá gba ongámási. ¹⁶ Aní kpi kpi de, aní ngadú bhú zí 'kpí inde li kpála bini tí da nakolo li e de. Kpála bini u nga aní de, kpála bini tí la di da nau aní de. A ayo me okpála dhéog aní! A ayo me aní ú dádúma ne dádúma! A adú moko.

Líli pí obhulé tia

¹⁷ Pa pí obhulé tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia angó-o ngakodho 'kpí makodho. Engú bini, u 'o mangbo 'to o 'to Ebhe inde ngaha ndú 'he hana pí ní bhibhiti, ngábula me ní kpi djali ne di ko. ¹⁸ Pa pí uo me, u mene bádha 'ngú, u dú mangbo obhulé tia bhú namene obabadha 'ngú. U dú okpála napú 'he pí obi o ne bádha bua, u dú bedhe ngú naha 'he pí okpála koko. ¹⁹ U mene mo-o, u pó bhúla ohe na babadha inde di ngabhue mabhue pí o ngú okpí inde ngago-o. Abhomú-o, u tsia tí da nasia kákúlé mukobho.

²⁰ Timoté, lila kulu inde li Ebhe aha e pí mú-o ndjindji. Kpe agólé na padhá padhá inde i tí ne nabhuka de-e makpe. Kpe di obhayiki li okpála koko nga'í e ne eu me a ko imbilangú-o makpe. ²¹ Okpála koko abhundja me o ne ngua imbilangú angó-o, u atsia ayie li kpadji na nabhuka-o.

A ayo me, *bádha bhú 'bu gba Ebhe-e dú ne yi bhú dabilí bini.